

- 1^r Wer kynd / vnd narren sich nymbt an
- 2^r Der soll jr schympf für gütt ouch han
- 3^r Er muß sunst mit den narren gon



Schympf nit verston

- 1 Der ist eyn narr der nit verstõt
- 2 Wann er mit eynem narren redt
- 3 Der ist eyn narr der widerbilt
- 4 Vnd sich mit eynem *truncknen* schilt

4 truncknen] trnncknen GW5046

5 Mit kynd / vnd narren schympfen wil
 6 Vnd nitt vff nemen narren spil
 7 Wer will mit jägern gon der hetz
 8 Wer keyglen will / der selb vff setz /
 9 Der hül / der by den wolffen ist /
 10 Der sprecht ich lieg / dem nütz gebrist
 11 Wort gend vmb wort / ist narren wiß
 12 Güts gādt vmb böß / hatt hohen priß
 13 Wer gibt das böß vmb gūtes vß
 14 Dem kumbt böß / nyemer vß sym huß /
 15 Wer lachet des eyn ander weynt
 16 Dem kumbt des glich / so ers nit meynt
 17 Eyn wiser gern byn wisen stat
 18 Eyn narr mitt narren gern vmb gat /
 19 Das nyemans lyden mag eyn narr
 20 Das kumbt vß synem hochmūt dar
 21 Me leid geschicht eym narren dran
 22 Das er sicht ettlich vor jm gan
 23 Dann er hab freüd / das jm sunst all
 24 Noch gangen / vnd zūn füßen fall /
 25 Vnd das du merckst / wie ich es meyn
 26 Eyn stoltzer wer gern herr alleyn /
 27 Aman hatt nit so grossen glust
 28 Das yederman jn anbett sust
 29 Als er hatt leyd / das jn eyn man
 30 Nitt bettet Mardocheus an /
 31 Nit nott das man narren vff merck
 32 Man spürt eyn narren an sym werck /
 33 Wer wiß wolt syn (als yeder sol)
 34 Der ging der narren müßsig wol

ml'

m

6 nemen GW5046 GW5047] nāmen GW5041 10 nütz GW5046 GW5047] nützt GW5041